



Runar Myklebust ventar på ei avgjerd om vidare satsing

**- Den satsing som finn stad på jordbruket i Uskedalen er heilt enorm, seier ein imponert jordbrukssjef i Kvinnherad, Tore Eik til uskedalen.no.**

Det siste som har skjedd er at Runar Myklebust har søkt om å få satsa på lausdrift i utvida driftsbygning, noko som vil auka talet på årskyr frå 30 til 50. Eik presiserer at saka førebels er undervegs og ikkje endeleg avklara. Kommunen har, som vanleg, sendt ho over til fylkeskommunen som eit ledd i handsaminga.

Lista over prosjekt i jordbruket som er realisert i Uskedalen i dei seinare åra er imponerende og jordbrukssjefen tek fram uttrykket 'veldig kjekt' når han skal beskriva det som har skjedd ytterlegare.

- Kor mange millionar er investert i jordbruket her i bygda dei siste åra?  
 - Eg tør ikkje komma med noko anslag på sparket, men det er atskillige millionar.  
 Vi driv no med utarbeiding av ein årsrapport, men det vil ikkje skje nokon spesifisering av dei einskilte bygdene, seier Eik.

Ein av dei største investeringane er sauefjøset til Olav Hjetland Bringdal som kosta 3 millionar og som har auka kapasiteten til den driftige sauebonden til 240 dyr. Jordbrukssjefen har rost huset i høge tonar.  
 Også Andreas Kristoffersen har satsa sterkt og har som målsetting å auka sauetalet frå 100 til 140, kombinert med auka forgrunnlag.

Tore Musland og Tor Jarle Kjærland står også i høgste grad på investeringslista og fleire vil truleg slutta seg til. Friheim Gardsmat har til dømes nye og utvida planar knytte til erverv av nabogarden.

Konklusjonen må bli at investeringslysta i Uskedalen-jordbruket slett ikkje har gått tilbake, snarare omvendt.

Tekst, foto og nett: Ola Matti Mathisen